


ꦱꦮꦶꦁꦶꦛꦶꦁ

AWIG-AWIG

ꦒꦫꦏꦫꦩꦤ꧀ꦏꦱꦠꦭꦂ

DÉSĀ PAKRAMAN KASTALA



ꦥꦺꦨꦺꦏꦺꦭꦤ꧀ꦧꦺꦧꦤꦺꦩ

PERBEKELAN BĒBANDĒM

ꦏꦺꦕꦩꦩꦠꦤ꧀ꦧꦺꦧꦤꦺꦩ

KĒCAMATAN BĒBANDĒM

ꦏꦧꦸꦥꦠꦺꦤ꧀ꦏꦫꦁꦒꦱꦺꦩ

KABUPATĒN KARANGASĒM

**MURDDHA WAKYA**

ONG swastyastu.

Pūrwwa pangastungkaran tityang Krama Désa Kastala, ring buk pādan Ida Sanghyang Widhi masa sangkan paraning dumadi, bhaṭāra-bhaṭārī sané malinggā ring Pura Pusēh Kastala, minakadi pura kahyangan sami sané wéntēn sajroning wawēngkon Désa Kastala, dwaning malarapan saking krēttā warā nugrahan pādika Bhaṭāra Samudhaya, kāryya puniki kasiddha puput.

Kaping kalih hatur angayubagyan tityang krama Désa Kastala, pingajēng ring Ida Padaṇḍa-padaṇḍa, ida sang rumaga pingajēng désa, ida dane para panglingsir, Kliyang, Pamangku, minakadi ida dane sang maraga céṣṭakāra, widagdha prajñā wicakṣaṇa sarēng sami, sané sampun sangkaning swéccha lé dang sarēng mapawangun ngripta ugēr-ugēr marūpa awig-awig Désa Adat Kastala puniki, pacang kānggēn sēpat siku-siku sajroning désa kantos ka hungkur wēkas.

Talēr majēng ring Pamrintah Daérah Kabupatén Karangasem, para manggala sané mastika ngiwang patutang awig-awig, tityang ngaturang pangayu bagya, dwaning sampun kasiddhan nurékṣa maritētēs sahā mastikā, kantos marūpa puput.

Munggwing daging ipun mānūt Tri hita Kāraṇa, indik kahyangan gēnah ngadisthana Ida Sanghyang Parama Wiśēsa. Indik pawongan pinaka krama désa, indik palēmahan minaka wawidhangan wawēngkon désa, mabantang antuk lēkita sāstrā-gama, śāsana, paswara, drēṣṭa, minakadi sané sawosan, sané hanūt ring pamarggin dharmma agama kālih dharmma nāgara. Dumadak kasiddhan mamanguhang kajagaddhitan sakala niskala.

ONG Śanti Śanti Śanti, ONG.

**TĚGĚS NIASA DĚSA ADAT KASTALA**

1. Bucu lima: Nyihnayan<sub>g</sub> krama DĚsa Adat Kastala makukuhin Pañca Sradha.
2. Padma: Krama DĚsa Adat Kastala ngastitiang karajĕgan DĚsa Adat.
3. Ongkara: Makacihna astiti bhakti ring Ida Sang Hyang Hyang Widhi Wasa.
4. Padi miwah Kapas: Boga, upaboga, amrih kalanduhan jagat.

5. Wara Khasta Tala:

Wara artiinya luwih

Kasta artinnya krama

Tala artinnya tanah utawi pĕrthiwi

Kaluwihan Kawigunan Krama nindihin pĕrthiwi.

**DAGING AWIG-AWIG  
DÉSA ADAT KASTALA**

|  |     |
|--|-----|
| MURDDHA CITTA .....                              | i   |
| TÈGÈS NIASA DÉSA ADAT KASTALA .....              | ii  |
| DAGING AWIG-AWIG DESA ADAT KASTALA .....         | iii |
| PRATAMA SARGAH : HARAN LAN WAWIDANGAN DESA ..... | 1   |
| DWITYA SARGAH : PATITIS LAN PAMIKUKUH .....      | 1   |
| TRITYA SARGAH : SUKÈRTHA TATA PAKRAMAN .....     | 3   |
| Palêt 1 : Indik Krama .....                      | 3   |
| Palêt 2 : Indik Prajuru .....                    | 5   |
| Palêt 3 : Indik Paruman utawi Sangkepan .....    | 9   |
| Palêt 4 : Indik Kulkul .....                     | 11  |
| Palêt 5 : Indik Druwé Désa .....                 | 12  |
| Palêt 6 : Sukêrtha Pamitêgêp .....               | 13  |
| CATHURTA SARGAH : SUKÈRTHA TATA AGAMA .....      | 19  |
| Palêt 1 : Indik Déwa Yajña .....                 | 19  |
| Palêt 2 : Indik Rêsi Yajña .....                 | 24  |
| Palêt 3 : Indik Pitra Yajña .....                | 24  |
| Palêt 4 : Indik Manusa Yajña .....               | 28  |
| Palêt 5 : Indik Bhuta Yajña .....                | 28  |
| PANCAMA SARGAH : SUKÈRTHA PAWONGAN .....         | 29  |
| Palêt 1 : Indik Pawiwahan .....                  | 29  |
| Palêt 2 : Indik Nyapian .....                    | 34  |
| Palêt 3 : Indik Sêntana .....                    | 36  |
| Palêt 4 : Indik Warisan .....                    | 37  |
| SAD SARGAH : WICARA LAN PAMIDANDHA .....         | 39  |
| Palêt 1 : Indik Wicara .....                     | 39  |
| SAPTAMA SARGAH : NGUWAH-NGUWUHIN AWIG-AWIG ..... | 41  |
| Palêt 1 : Indik Dasar Nguwah-nguwuhin .....      | 41  |
| ASTHAMA SARGAH : SAMAPTA .....                   | 41  |

**PRATHAMA SARGAH**  
**HARAN LAN WAWIDANGAN DÉSA**

**Pawos 1**

- (1) Désa Adat puniki mawasta Désa Adat Kastala.
- (2) Wawidangannya mawatēs ñatur:
  - ha. Sisi lor: Désa Adat Běbandēm;
  - na. Sisi Wetan: Désa Adat Běbandēm lan Désa Adat Bungaya;
  - ca. Sisi Kidul: Désa Adat Těnganan; *pañjarungra*
  - ra. Sisi Kulon: Désa Adat Běbandēm.
- (3) Désa Adat puniki kasanggra antuk Bañjar lan Paunan.

**DWITYA SARGAH**

**PATITIS LAN PAMIKUKUH**

**Pawos 2**

Désa Adat Kastala ngamanggěhang pamikukuh minakadi:

- (1) Pancasila.
- (2) Undang-undang Dasar 1945.
- (3) Tri Hita Karana.

**Pawos 3**

Patitis Désa Adat Kastala:

- (1) Mikukuhin tur ngarajěgang Agama Hindu.
- (2) Ngarajěgang kasukěrthan désa sakala lan nişkāla;
- (3) Sagilik saguluk, salunglung sabayantaka, paras-paros sarpanaya.

**TRITYA SARGAH**  
**SUKERTA TATA PAKRAMAN**

**Palēt 1**

**Indik Krama**

**Pawos 4**

- (1) Sahananing sang jumėnėk ring Désa Adat Kastala saking nguni mapaumahan ring wawidangan Désa Adat Kastaia, sané magama Hindu tur sampun ngarañjing dados warga Bañjar Adat Kastala.
- (2) Sajaba punika kasinanggėh tamiu.

**Pawos 5**

- (1) Lalintih Krama Désa Adat Kastala sakadi ring sor:
  - ha. Krama Désa ngarėp inggih punika krama désa sané mabañjar lan mapauman.
  - na. Krama Désa Paron inggih punika krama wit saking dūra désa sané sãmpun madruwé karang paumahan tur sãmpun jėnėk nanging tan sarėng ngarėmba ayah pauman.
- (2) Linggih Krama Désa Adat Kastala wėntėn limang soroh kadi ring sor:
  - ha. Krama bulangkėp: krama sané sãmpun tigang šasih puput pawiwahan tur sãmpun kasiarang ring sangkėpan désa, bañjar lan pauman;
  - na. Krama Truna:
    1. Truna Lanang: krama lanang sãmpun tan madruwé rarama utawi raramannya tan kari ngayahang désa, sãmpun mayuša 17 (pitulas) warša pinih akėh adiri sajėroning kulawarga;
    2. Truna Balu: krama lanang sané balu;
    3. Truna Ćapian: krama truna sané Ćapian.

ca. Krama laku sambah: krama lanang sané sãmpun mayuša 17 (pitulas) warša adiri sajëroning kulawarga;

ra. Krama Gumi; krama sané tan kawilangan ring ajëng Iwiré:

1. Krama Palak: krama désa sané sãmpun tutug sëngkër dados prajuru désa;
2. Krama Jada: krama sané mararian utawi kararianang dados prajuru désa;
3. Krama Istri Nãpian utawi Balu;
4. Krama Dëha Tua: krama istri sané tan marabian ngantos lintang yuša 50 (sékët) warša;
5. Krama Truņa Tua: krama lanang sané tan marabian ngantos lintang yuša 60 (ëñëm daša) warša mapinunas mararian.

ka. Krama Gumi Paron: salwiring sang sané magënah ring wawëngkon Désa Adat Kastala wënanng karañjingang mabañjar adat tur madésa gumi. Krama Gumi Paron patut ipun:

1. Sarëng urah-arih;
2. Néntën kéngin kaadëgang dados prajuru désa;
3. Patut këni ayah-ayah lan urunan ritatkāla aci miwah wawangunan;
4. Yën magënah ring jaba désa tan këni urunan ritatkāla aci.

### **Pawos 6**

Swadharmaning krama désa sakadi ring sor puniki:

ha. Ngarajëgang tur tinut ring sadaging awig-awig, paswara, miwah pararëm Désa Adat Kastala;

na. Bakti, sutindih, prabéla ring Désa Adat Kastala.

### **Pawos 7**

- (1) Krama Désa Adat Kastala kadi ring sor puniki kēni ayah-ayah utawi papěson manut linggihnya:
- ha. Krama Bulangkěp kēni ayah utawi papěson mamungkul utawi jangkěp.
  - na. Krama Truna kēni ayah utawi papěson mamungkul utawi jangkěp;
  - ca. Krama Laku Sambah, Krama Bumi, muah Krama Tamiu kēni ayah lan papěson manut kawigunannya saha manut pararēm.
- (2) Krama Désa Adat Kastala sané polih laluputan ngayah utawi papěson makadi ring sor puniki:
- ha. Prajuru Désa, Pamangku Pusěh, Pamangku Dalēm, Pamangku Pucak Sari lan Pamangku Sapuh;
  - na. Miwah sané siosan manut pararēm.
- (3) Krama Désa Adat Kastala dados mapuankid lan masuksukkan:
- ha. Krama kalugra mapuankid yéning nēmonin sungkan, matěpětin sungkan, lan malalungayan;
  - na. Yaning mapuankid patut hatur supékša ring prajuru désa ninutin kaběratannya;
  - ca. Kalugra masuksukkan yéning krama inucap macihna sungkan-sungkanan.

### **Pawos 8**

- (1) Ānada lan husan makrama désa:
- ha. Ānada kadadosang:
    - 1. Sangkaning sāmipun mayuša 60 (ěněm dasa) warša;
    - 2. Sangkaning macihna sungkan-sungkanan;
    - 3. Sangkaning pinunas ngaraga duaning magěnah ring dura désa;
    - 4. Sangkaning séda.
  - na. Kahusanang makrama désa:



1. Matilar saking agama Hindu;
  2. Macihna malakṣaṇa corah.
- (2) Krama Désa Adat Kastala sané wusan makrama désa ñihnyang pitěgēs kadi řing sor puniki:
- ha. Patut muntasang sapanindikannyané duk kantun makrama désa;
  - na. Tan polih pah-pahan padruwén désa.

### **Palět 2**

### **Indik Prajuru**

### **Pawos 9**

- (1) Prajuru Désa Adat Kastala manut lalintihannya:
- ha. Subak Duluhan utawi Pamangku Pusěh;
  - na. Subak Těbėnan;
  - ca. Pañarikan Duluhan;
  - ra. Pañarikan Těbėnan;
  - ka. Kėliang Duluhan;
  - da. Kėliang Těbėnan;
  - ta. Panguraban Duluhan;
  - sa. Panguraban Těbėnan;
  - wa. Taki;
  - la. Takon;
  - ma. Saya;
  - ga. Panangkilan

### **Pawos 10**

- (1) Ngadėgang Prajuru Désa Adat Kastala:

- ha. Subak Duluhan karangkĕp olih Pamangku Pusĕh;
- na. Pañarikan Duluhan kaadĕgang malarapan antuk:
1. Mawit saking krama ngarĕp linggihnya bulangkĕp;
  2. Majanjang;
  3. Kasudi olih krama désa;
  4. Ngadĕgang Pañarikan Duluhan ñabran 10 (dasa) warşa tur manut pararĕm;
  5. Pañarikan Duluhan wĕnang ñuratang sadaging paruman Désa Adat Kastala.
- ca. Subak Tĕbĕnan, Pañarikan Tĕbĕnan, Kĕliang Duluhan, Kĕliang Tĕbĕnan, Panguraban Duluhan, Panguraban Tĕbĕnan, Taki, lan Takon kaadĕgang manut kadi ring sor:
1. Mawit saking krama ngarĕp linggihnya bulangkĕp;
  2. Manut lalintihan pawiwāhan;
  3. Tan cĕdangga;
  4. Tan macihna sungkan-sungkanan;
  5. Mādasar antuk paruman désa;
  6. Watĕs kamanggĕhang prajuru punika 3 (tigang) warşa.
- ra. Saya lan panangkilan kaadĕgang manut kadi ring sor:
1. Saking krama désa ngarĕp sané sĕmpun bulangkĕp;
  2. Manut lalintihan pawiwāhan;
  3. Tan cĕdangga;
  4. Tan macihna sungkan-sungkanan;
  5. Watĕs kamanggĕhang saya lan panangkilan 1 (awarşa).

#### **Pawos 11**

Swadharmaning Prajuru Désa Adat Kastala:

- (1) Ngĕntĕrang sadaging awig-awig, paswara miwah pararĕm Désa Adat Kastala.

- (2) Nuntun krama ngupadiang manut tatujon tur ngicén tatimbang ring paruman désa adat.
- (3) Maosin miwah niwakang pamutus wicara:
  - ha. Sané nungkasin sadaging awig-awig, ilikita, lan pararēm Désa Adat Kastala;
  - na. Rikāla nēpasin wicara Prajuru Désa Adat Kastala kasanggra antuk Kēliang Bañjar Adat, Kēliang Pauman, lan Saba Désa.
- (4) Ngukuhang Kēliang Bañjar, Kēliang Pauman, lan Kēliang Tēruṇa-tēruṇi.
- (5) Ngicén pitēgēs sapanindik wawangunan lan druwén désa.
- (6) Maka dūta désa nēmuang babaos ring sang sapisira hugi;
- (7) Miara padruwén désa.

#### **Pawos 12**

- I Olih-olih lan laluputan Désa Adat Kastala:
  - ha. Polih olih-olih manut pararēm;
  - na. Luput sahananing papěson;
  - ca. Miwah laluputan sané siosan manut pararēm;
  - ra. Prajuru Désa, Subak lan Pañarikan sané sāmpun dados palak polih prabéa pangélad 100 (satus) kilogram bėras.

#### **Pawos 13**

- I Prajuru Désa Adat Kastala kagěntosin manut kadi bacakan ring sor:
  - ha. Sāmpun tutug sěngkěr (panumaya);
  - na. Sangkaning séda;
  - ca. Sangkaning balu;
  - ra. Sangkaning pinunas ngaraga kaputus ring pararēm;

- ka. Mabukti ñingsuang padruwén désa agung iwangnyané tur ngawé byota;
- da. Kěni hukuman mabui;
- ta. Ngěntosin utawi ngusanang prajuru patut sajěroning paruman tur kasiarang ring krama Désa Adat Kastala;
- sa. Pradé prajuru mararian kadi inucap ring ajěng sadurung panumayan ipun swadharmannia kagěntosin manut lalintihan krama bulangkěp.

#### **Pawos 14**

Prajuru Désa Adat Kastala karěmba antuk:

(1) Kěliang bañjar minakadi:

ha. Kěliang Duluan;

na. Kěliang Těbėnan;

ca. Saya;

(2) Kěliang Pauman minakadi:

ha. Kěliang Duluan;

na. Kěliang Těbėnan;

ca. Saya.

(3) Kěliang Těruña-těruņi minakadi:

ha. Kěliang Duluan;

na. Kěliang Těbėnan;

ca. Saya.

(4) Saba Désa.

Ngaděgang Kěliang pangarěmba Prajuru Désa Adat Kastala:

ha. Mawit saking krama Désa Adat Kastala;

na. Kapilih olih krama soang-soang;

ca. Ngaděgang Kěliang pangarěmba prajuru désa manut pararěm.

**Palèt 3**

**Indik Paruman utawi Sangkëpan**

**Pawos 15**

- (1) Paruman ring Désa Adat Kastala kamargiang napkala.
- 2 (2) Sangkëpan ring Désa Adat Kastala wéntën 6 (ënëm) soroh luih ipun:
  - ha. Sangkëpan désa/sangkëpan krama désa bulangkëp kalakṣaṇayang ring rahina Buda Wagé, yan pradé wéntën pialang, sangkëpan makirig 6 (ënëm) rahina, dados ring rahina Anggara Kliwon magënah ring Pura Pusëh kamanggala olih Subak Duluhan utawi Jro Mangku Pusëh;
  - na. Sangkëpan krama truṇa ring rahina Buda Wagé, yan pradé wéntën pialang sangkëpan makirig 6 (ënëm) rahina, dados ring Rahina Anggara Kliwon, magënah ring Pura Pucak Sari;
  - ca. Sangkëpan bañjar kalakṣaṇayang ring rahina Saniścara Kliwon (Tumpëk) magënah ring bañjaré;
  - ra. Sangkëpan Pauman kalakṣaṇayang ring rahina Buda Kliwon, yan pradé wéntën pialang makirig 5 (limang) rahina ring rahina Soma Kliwon, magënah ring Balé Paruman ring Bañjaré;
  - ka. Paparuman Prajuru kawastanin Matambun manut kawigunan ipun;
  - da. Sangkëpan Saba Désa (Panitia) kawastanin Matambun manut kawigunan ipun.
- 2 (3) Saba Désa Adat Kastala wantah wakil-wakil krama désa sakadi ring sor puniki:
  - ha. Panghulun Désa Adat Kastala;
  - na. Prajuru Désa Adat Kastala;
  - ca. Këliang Bañjar Adat Kastala;
  - ra. Këliang Pauman Kastala;
  - ka. Këpala Dusun Kastala;

- da. Kĕliang Hansip Kastala; 9
- ta. Kĕliang Tĕruṅa-tĕruni Kastala;
- sa. Kĕliang Dadia;
- wa. Pĕmuka Masyarakat.

Saba Désa puniki kahéntĕr olih:

- ha. Panglingsir (Kĕtua);
- na. Wakil Panglingsir (Wakil Kĕtua);
- ca. Pañarikan;
- ra. Wakil Pañarikan;
- ka. Kañca (Pembantu) manut kawigunān.

Swadharmaning Saba Désa inggih punika:

- ha. Ngamanggĕhang rañcana wawangunān Désa Adat Kastala;
- na. Ngardi minakadi nguwah-nguwuhin awig-awig Désa Adat Kastala;
- ca. Ngaturang tatimbang ritakala Penghulu lan Prajuru Désa ngamĕrluang.

9 (4) Paruman/sangkĕpan/mapararĕm lumaku kamargiang sasampun krama rauh sakirang-kirangnia atĕnga langsung asiki.

(5) Prajuru miwah krama patut mabusana adat;

(6) Tan marĕn ngarcana ring Sanghyang Widhi Wasa maśaraṅa antuk canang sĕkar, ✓  
asĕp, miwah toya añar;

(7) Sahananing pamutus kautsahayang sangkaning sagilik-saguluk salunglung sabayantaka, pradĕ tan prasidha suara sanĕ makĕhan kasinanggih pamutus.

(8) Ņabran paruman/sangkĕpan prajuru patut ñiarang labha paupon-upon.

**Palèt 4**

**Indik Kukul**

**Pawos 16**

- (1) Kukul ring wawidangan Désa Adat Kastala wéntèn 5 (limang) soroh inggih punika:
- ha. Kukul Désa magènah ring Kahyangan (Pura Pusèh);
  - na. Kukul Désa ring Balé Tengahan;
  - ca. Kukul Désa magènah ring Jinèng Désa;
  - ra. Kukul Bañjar magènah ring Jinèng Bañjar;
  - ka. Kukul Pauman magènah ring Jinèng Pauman.
- (2) Kukul kaanggén tatèngèr midabdab krama manut dudonan tatèpakan:
- ha. Tatèngèr upacara Déwa Yajña patut ngundit;
  - na. Tatèngèr wéntèn paruman/sangkèpan/ngayah tatèpakan tigang tulud (Tèpak lamban tengahan tèpak gèlis, pamuput tigang tèpak lamban);
  - ca. Tatèngèr wéntèn séda/kapadèman tatèpakan ngalambat pang 6 (ènèm). Sané katèpak kukul bañjar;
  - ra. Tatèngèr kapañca bhaya tatèpakan kukul bulus. Sané katèpak kukul Pauman utawi sané siosan;
  - ka. Yan wéntèn kapañca bhaya amuk katèpakang kukul bulus atulud. Yan kalih tulud bulus sang ngamuk sāmipun kakèniang. Yan tigang tulud bulus maarti sāmipun wéntèn kapadèman.
- (3) Kukul Désa Pura Pusèh ring balé tengah katèpak ritatkāla wéntèn Déwa Yajña.

**Pawos 17**

Tatacara tatèpakan kukul sakadi ring sor: ?

- ha. Kulkul Désa tan wĕnang katĕpak yan tan sangkaning pituduh prajuru. Yan mamurug kadanda 100 (satus) kilogram bĕras;
- na. Rikāla katibĕn pancabhaya, sapisira hugi wĕnang nĕpak kulkul manut tatĕngĕr bhayanĕ tur sasāmpunĕ nĕpak patut hatur supĕkṣa ring prajuru dĕsa. Yan tan jati wĕntĕn bhaya sang nĕpak kadandha 100 (satus) kilogram bĕras;
- ca. Kulkul bañjar, kulkul Pauman wiadin Kulkul Sĕkĕha-sĕkĕha tan wĕnang matuhin sukat miwah suaran Kulkul Désa. Yan mamurug kulkul inucap kadaut olih dĕsa.

### **Palĕt 5**

### **Indik Druwĕn Désa**

### **Pawos 18**

Padruwĕn Désa Adat Kastala sakadi ring sor:

(1) Pura luirĕ:

- ha. Pura Désa/Pusĕh;
- na. Pura Dalĕm;
- ca. Pura Patokan Balĕ Bañjar Adat Kastala;
- ra. Pura Pucak Sari;
- ka. Pura Bĕji;
- da. Pura Pasucian Krotok;
- ta. Pura Mrajapati;
- sa. Balĕ Tĕngah (Balĕ Kulkul).

(2) Jinĕng.

(3) Tanah Sĕtra.

(4) Tanah palabha pura marupa tĕga! ambĕngan (lalang).

(5) Gong abarung.



- (6) Karang Désa.
- (7) LPD (Lembaga Përkréditan Désa).

8 C B D, 7

#### **Pawos 19**

Pikolih Désa sangkaning sakadi ring sor:

- (1) Saking urunan.
- (2) Saking pikolih labha pura.
- (3) Saking LPD.

A C B D.

#### **Pawos 20**

- (1) Sahananing pikolih druwén Désa patut kaanggén prabéya yajña lan wawangunan ring Désa.
- (2) Sakaluring druwén désa patut wéntèn ilikitanipun lan sapanunggilannia.
- (3) Tan kalugra ngadol, ngadéang, makidhang, druwén désa yan tan polih pamutus saking désa.

#### **Palèt 6**

#### **Sukërtha Pamitëgëp**

#### **Kaping 1**

#### **Karang, Tëgal lan Bangkët**

#### **Pawos 21**

- (1) Karang paumahan, karang tëba patut maulunan kangin ring kalér.
- (2) Sané ngawatësin (némbok) tëbén kauh sang madruwé karang tiling dulan yan kapurug kadandha 50 (sékët) kilogram bëras.
- (3) Sané ngawatësin (némbok) dulan kangin (Sanggah/pura) sang madruwé karang tëbénan.

- (4) Yan wéntěn karang kaběběng, patut prajuru désa lan dinas ngutsahayang mangda wéntěn margi utawi rurung.
- (5) Karang désa sané suung tan karēngayang kantos mabukti tigang sāsih tan pasuar, tan payajña manut drēṣṭa lan agama Hindu yogya kaaug, kaambil malih olih Désa Adat Kastala.
- (6) Sang ngēnahin karang désa tan dados ngadol, ngadéang, makidihang, lan sapanunggilannia yan mamurug karang inucap kadahut olih Désa Adat Kastala.
- (7) Yan wéntěn krama ngadol wawangunan sané magēnah ring karang Désa Adat Kastala patut wawangunan punika kagingsirang saking karang désa inucap sasāmpuné mawaněng tigang sāsih, saha tan polih prabéa.
- (8) Karang désa tan dados kapasēlangang ring krama siosan sané tan kilit waris, yan mamurug, sané masēlangang daṇḍha 200 (satak) kilogram bėras, tur sané ñělang kabudalang saking karang inucap.
- (9) Karang désa dados kapasēlangang ring krama désa siosan sané wéntěn kilit waris, sané sarěng madésa adat ngarěp sasāmpuné sami adung tur kasākṣinin olih Prajuru Désa Adat Kastala tur kakaryanang ilikita kasiarang ring sangkěpan Désa Adat Kastala.
- (10) Tėgal, bangkět patut magagalěng katěbén tur patut kakaryanin watės (pamalėdan).
- (11) Sapasira hugi tan dados:
  - ha. Ngalahlah tėgak kahyangan, sétra lan sakañcan tėgak sané kasinangguh suci, yan kapurug kadanda 200 (satak) kilogram bėras saha ngawaliang sané kalahlah mawėwėh upakāra pañangaskāra manut drēṣṭa;
  - na. Ngalahlah karang, tėgal, bangkět, margi wiadin sané siosan. Yan kapurug kadanda 100 (satus) kilogram bėras tur ngawaliang karang sané kalahlah;
  - ca. Ñapuh tėlabah, pangalapan, margi, miwah tēba. Yan kapurug kadandha 100 (Satus) kilogram bėras tur ngawaliang tanahé sané kacapuh;

- ra. Ngëntungang wangké wawalungan lan luhu ka pakarangan krama désa siosan, ka marginé, ka rurungé, ka tégale, miwah ka bangkété. Yan kapurug kadanda 5 (limang) kilogram bėras saha wangké wawalungan lan luhu-luhu inucap patut katanēm olih sang ngëntungang.
- ka. Ngėmbakang babañon ka marginé, ka rurungé, utawi ka pakarangan krama siosan. Yan mamurug kadandha 50 (sėkėt) kilogram bėras tur babañon inucap patut kakaryanang blungbang olih sang ngėmbakang;
- da. Mėndhēm muah ngėsėng layon ring pakarangan, tégale lan bangkėt sajaba sang sulinggih. Yan kapurug kadandha 300 (tigang atus) kilogram bėras saha ngupakāra pamarisuddha ring gėnah inucap;
- ta. Ngëntungang anggė-anggė śawa ka désa pakraman. Yan kapurug kadandha 300 (tigang atus) kilogram bėras tur ngupakāra pamarisuddha ring gėnah inucap saha anggė-anggė punika kagingsirang, kagėsėng ring sėtra.

## **Kaping 2**

### **Wawangunan**

#### **Pawos 22**

Sang sapisira hugi ngawangun mangda nganutin sakadi ring sor:

- (1) Sahananing wawangunan kautsahayang mangda nganggé asta bhumi utawi asta kosala-kosali wiadin nganutin Tri Hita Karaña.
- (2) Pradė wėntėn wawangunan ngungkulin pakarangan krama siosan sang madruwė karang patut hatur supėkša ring prajuru dėsā. Prajuru dėsā maritėtės sang maduė wawangunan yėn yukti wawangunan kadi inucap patut wawangunan punika kaurėd tur tan polih prabėa.
- (3) Pradė ngawangun pacang ngalintangin watės sadurungė patut ngawėtuang paigum ring pañanding tur kasākšinın olih prajuru dėsā tur kakaryanang ilikita.

- (4) Krama désa tan kalugra ngènahang barang ring marginé utawi ring tĕlajaklan lintangan ring 7 (pitung) rahina, yan mamurug kadaᅇdha 10 (daśa) kilogram bĕras. Ritatkāla aci sambah ngawit aci tan dados ngènahang barang ring margi lan tĕlajaklan yan mamurug kadaᅇdha 10 (daśa) kilogram bĕras.

### **Kaping 3**

### **Kakayonan**

### **Pawos 23**

- (1) Ngawit nandur tanĕm tuwuh patut amĕtĕr tĕngah ngajĕroang saking watĕs pakarangan.
- (2) Pradĕ wĕntĕn taru magĕnan ring watĕs pakarangan kĕngin kawara olih paᅇnanding mangda taru inucap karĕbah kasākᅇsinin olih prajuru dĕśa tur taru inucap kapah tiga asiki katur ka dĕśa muah sanĕ kakalih kapah olih sang madruwĕ watĕs manut lokika.
- (3) Pradĕ wĕntĕn kasinanggih mayanin sang kajĕrihan patut hatur supĕkᅇa ring prajuru dĕśa, mangda kakayonan inucap karĕbah saniᅇᅇannia kapunggul.
- ④ Pradĕ wĕntĕn mayanin wawangunan, sanĕ madrĕbĕ taru punika kĕni prabĕa mĕcikang wawangunan inucap saha paᅇngaskāra utawi pakĕludan:
- ha. Sang madruwĕ wit taru sanĕ kasinanggih mayanin sasāmpunĕ polih kawara;
  - na. Sang ngarĕbah utawi munggul taru inucap;
  - ca. Taru inucap kapah tiga, apah tigaan ka dĕśa kalih pah tigaan kapah ring sanĕ madruwĕ watĕs manut lokika.
- (5) Pradĕ wĕntĕn kakayonan pungkut sangkaning kapaᅇcabhaya, kakayonan punika inucap patut kapah tiga apah tigaan ka dĕśa kalih pahtigaan sang madruwĕ taru lan sang kabhayānin.

#### **Kaping 4**

#### **Wawalungan**

#### **Pawos 24**

- (1) Sahananing krama désa sané miara wawalungan (ubuh-ubuhan) patut nĕgul utawi ngalogor wawalungan inucap mangda nĕntĕn ngarucakin karang tĕlajakan, tĕgal, bangkĕt krama siosan.
- (2) Pradé wĕntĕn mamurug kĕcaping wiwit saking pawos puniki kĕni daḍha 5 kilogram bĕras saha ngawaliang barang sané karusak wiadin karubuhin manut pangarga.
- (3) Pradé karusak tĕgak suci sajaba kĕni pamidaḅdha manut kĕcaping wiwit 2 (kalih) talĕr mawĕwĕh upakāra pamariṣuddha ring gĕnah wawangunan suci sané karusak.
- (4) Pradé wĕntĕn sinalih tunggil sané naban wawalungan, sang naban patut digĕlis hatur supĕkṣa ring prajuru désa, tan kĕngin kasĕpan ring arahina, saha wawalungan inucap mangda kapiara kadi patutĕ, tur sané madruwĕ wawalungan patut nĕbas prabĕa pamiarania.
- (5) Prajuru désa risāmpun polih hatur supĕkṣa patut digĕlis maosin saha ngicĕnin pamutus.

#### **Pawos 25**

- (1) Sang sapisira hugi tan kadadosang ngangon wiadin nĕgulang wawalungan ring:  
ha. Palĕmahan kahyangan wiadin ring sĕtra:  
na. Wawidangan palĕmahan anak siosan.
- (2) Pradé wĕntĕn sané mamurug kĕcapĕ ring ajĕng kadaḅdha 5 (limang) kilogram bĕras tur mĕcikang sané karusak utawi ngawaliang barang sané karusak manut pangarga.

- (3) Tan kalugra ngarērēh tatēdaan ingon-ingon ring taru sané kaaptiang panēduh margi utawi panēduh pabējoran krama siosan yan mamurug kadaṅdha 5 (limang) kilogram bēras.

### **Kaping 5**

#### **Bhaya**

#### **Pawos 26**

- (1) Sané kasinanggēh bhaya punika pañca bhaya, luiré:
- ha. Jiwa bhaya utawi ka bhaya pati;
  - na. Gēni bhaya utawi kagēsengan;
  - ca. Bayu bhaya utawi angin lilus;
  - ra. Toya bhaya utawi blabur;
  - ka. Artha bhaya utawi kapandungan.
- (2) Tatēngēran kulkul kapancabhaya manut pawos 16 (ēnēm bēlas) wiwit 2 (kalih) akṣara ka.
- (3) Yan wéntēn krama désa katibén artha bhaya luih ipun kapandungan patut hatur supékṣa ring prajuru désa kalih sang angawa rāt. Sang sané mamandung patut ngawaliang barang inucap tur kadaṅdha 50 (sékēt) kilogram bēras.
- (4) Yéning barang sané kapandung punika barang sané kasinanggēh suci sang mamandung kēni upakāra pañgaskāra agung alit manut pararēm tur sang mamandung kacēburang ring sang angawarāt saha kadanda 50 (sékēt) kilogram bēras.

**CATHURTAS SARGAH  
SUKERTHA TATA AGAMA**

**Palèt 1**

**Indik Déwa Yajna**

**Pawos 28**

- (1) Kahyangan déśa sané kahēmpon olih Déśa Adat Kastala kadi ring sor puniki:
- ha. Pura Pusēh;
  - na. Pura Dalēm;
  - ca. Pura Patokan Bañjar;
  - ra. Pura Pucak Sari;
  - ka. Pura Pasucian Krotok;
  - da. Pura Ulun Sétra (Mrajapati).
- (2) Aci ring sowang-sowang pura sakadi ring sor:
- ha. Nēmu śāsīh kalima panglong gasal nēmu bētēng, aci Usabha Sambah ring Pura Pusēh;
  - na. Nēmu Purṇama śāsīh katiga aci katiga ring Pura Pucak Sari;
  - ca. Nēmu Buddha Cēmēng Kulawu piodalan ring Pura Pusēh manut drēṣṭa;
  - ra. Nēmu Radité Umanis Langkir piodalan ring Pura Patokan Bañjar manut drēṣṭa;
  - ka. Nēmu Wraspati Umanis Dungulan piodalan ring Pura Dalēm;
  - da. Ngayu-ayu kawéntēhang napkala gata dina hayu manut pituduh pamangku tur kadauhang ring Prajuru Déśa, prajuru nauhang ring i krama déśa sami.
- (3) Pangēmpon aci:
- ha. Ring Pura Pusēh, Pura Dalēm, Pura Pucak Sari, utawi Béji Krotok, miwah ring Pura Patokan Bañjar kahēmpon olih Déśa Adat;

- na. Ring Pura Patokan Bañjar kamargiang olih Kéliang Désa kasarëngin olih Kéliang Bañjar;
- ca. Ring Pura Pucak Sari kamargiang olih Kéliang Désa kasarëngin olih Kéliang Pauman.

### **Pawos 29**

#### **Indik Pamangku**

- (1) Tata cara ngadëgang pamangku kadi ring sor:
  - ha. Kaadëgang saking turunan wiadin waris;
  - na. Sangkaning mapinunas utawi majanjan;
  - ca. Kasudi olih krama désa adat;
  - ra. Tëdun sëkar.
- (2) Papalihan pangëmpon pamangku kadi ring sor:
  - ha. Jëro Mangku Pusëh ngëmong Pura Pusëh;
  - na. Jëro Mangku Dalëm ngëmong Pura Dalëm;
  - ca. Jëro Mangku Pucak Sari ngëmong pura Pucak Sari;
  - ra. Jëro Mangku Sapuh ngabih Jëro Mangku Pusëh.

Jëro mangku inucap ring ajëng makasami talër ngëmong aci utawi piodalan ring Pura Patokan Bañjar. Upakāra Buta Yajña utawi macaru śasīh Kasanga kamanggala antuk Jëro Mangku Dalëm.

  - ka. Jëro Mangku Dadia talër patut ngaturang ayah ring sakaluring aci piodalan ring Pura Pusëh, Pura Dalëm, Pura Pucak Sari, miwah Pura Patokan Bañjar.
- (3) Tan wënanng dados pamangku:
  - ha. Cédangga sawanang pikolih majanjan utawi turun sëkar;
  - na. Kagëringan ila utawi buduh;
  - ca. Macihna malakṣaṇa corah.
- (4) Saluiring prabéa ngadëgang pamangku kasandang olih désa adat.



**Pawos 30**

Swadharmaning pamangku kadi ring sor puniki:

- ha. Niténin kasucian pura/kahyangan;
- na. Ngéntèrang sahananing Upakāra ring Pura/Kahyangan;
- ca. Nganutin sastra agama;
- ra. Pradé piwal, kéngin kapakiling olih Prajuru Désa Adat.

**Pawos 31**

Laluputan lan olih-olihan pamangku:

- ha. Jro Mangku Pusèh, Dalèm, Pucak Sari, lan Jro Mangku Sapuh luput saluiring ayah lan papèson;
- na. Polih sasari, makasami anggèn prabéa alat kapamangkuan;
- ca. Pradé Mangku Pusèh, Mangku Dalèm, Mangku Pucak Sari lan Mangku Sapuh séda polih prabéa saking Désa Adat mapangarga bėras 200 (satak) kilogram bėras ritatkala ngabén;
- ra. Upacāra pangēlad Pamangku Désa Adat Kastala polih prabia mapangarga 100 (satus) kilogram bėras saking Désa Adat Kastala.

**Pawos 32**

Pamangku wėnang kagėntosin manut kadi ring sor puniki:

- ha. Séda;
- na. Saking pinunas ngaraga, sangkaning sungkan;
- ca. Matilar ka dura Désa Adat Kastala;
- ra. Masilih śasih saking kayun Widhi malarapan antuk majanjan;
- ka. Nėntėn ninutin śasānaning pamangku.

### Indik Cuntaka

#### Pawos 33

- (1) Bacakan cuntaka/sěběl inggih punika sakadi ring sor:
- ha. Sangkaning kasėdaan;
  - na. Sangkaning ngarajaswala;
  - ca. Sangkaning ngėmbasang putra;
  - ra. Sangkaning pawiwāhan;
  - ka. Sangkaning Gamia Gamana;
  - da. Sangkaning salah timpal;
  - ta. Sangkaning anak istri sané mobot néntěn kaupakāra/kabiakawonan tur pawidhi widānan.
- (2) Sėngkěr cuntaka manut kawéntėnannia, makadi ring sor:
- ha. Cuntaka sangkaning kasėdaan manut sakadi loka drėṣṭa miwah śāstra drėṣṭa Désa Adat Kastala 11 (solas) rahina ring sajėroning apakarangan;
  - na. Cuntaka sangkaning ngaraja sewala sasān puné mabėrsih raga;
  - ca. Cuntaka sangkaning ngėmbasang putra:
    - 1. Sané istri 42 rahina (aśāsih pitung rahina);
    - 2. Sané lanang 11 (solas rahina).
  - ra. Cuntaka sangkaning karuron: *keguguran*
    - 1. Sané istri 42 rahina (aśāsih pitung rahina);
    - 2. Sané lanang 11 (solas) rahina tur sampun mabėrsih raga.
  - ka. Cuntaka pawiwāhan, ngantos sasāmpun matirtha pabėcakawonan;

- da. Cuntaka Gamia gamana ngantos sasāmpun kapalasang tur ngawéntenang pamrayascitta raga lan pura-pura ring Désa Adat Kastala. Yan mamurug kadanda 10 (daśa) karung bēras. Galah panahuran dadandan punika swénipun 3 (tigang) śāsih. Yan tan nahur dadandan kabudalang saking Désa Adat Kastala.
- ta. Cuntaka sangkaning salah timpal ngantos sasāmpuné kawéntenang pamrascitta raga;
- sa. Cuntaka sangkaning anak istri mobot ngantos sasāmpuné kawéntenang upakāra pabiakawonan.
- (3) Makasami cuntaka inucap ring ajēng yan kapurug patut kapidaṅdha manut pararēm.

#### **Pawos 34**

Sané sulinggih miwah pamangku tan kēnéng sēbēl/cuntaka ring wawēngkon Désa Adat Kastala.

#### **Pawos 35**

Tan kalugra ngarañjing ring sajēroning pura/kahyangan manut kadi ring sor puniki:

- ha. Sahananing krama sané cuntaka/sēbēl;
- na. Makta sahananing sané kasinanggēh lētēh;
- ca. Sato magēng: bantēng, kuda, kambing, sajawaning kaanggén upakāra (mapapada);
- ra. Anak sakéng dura désa yan sadurung polih lugraha saking Prajuru Désa Adat Kastala;
- ka. Sané mapikayun macoran sadurung polih lugraha saking Prajuru Désa Adat Kastala;
- da. Yan mamurug kēcaping ring ajēng kadaṅdha 10 (daśa) kilogram bēras lan mrayascitta pura inucap.

**Pawos 36**

Parahyangan kadurmanggala kadi ring sor:

*pura*

ha. Kapañcabhaya;

na. Wong masanggama sajeroning pura. Yan wénten malakṣaṇa asapunika tur mabukti patut kadaṇdha 5 (limang) karung bĕras ( = 500 kilogram) tur mrayāścitta pura inucap.

**Palĕt 2**

**Indik Rĕṣi Yajna**

**Pawos 37**

- (1) Sang madruwé yajña patut ngaturang punia ring sang muput manut agung alit yajñané;
- (2) Prajuru patut ngawas tur ngayomin wiadin mialangin, yan wénten mapamargi ngalantudin pamargin yajña.

**Palĕt 3**

**Indik Pitra Yajna**

**Pawos 38**

- (1) Pamargin Pitra Yajña wénten kalih soroh:
  - ha. Mĕndĕm macihna makingsan ring Ibu Pĕrthiwi;
  - na. Ngĕsĕng macihna makingsing ring gĕni.
- (2) Pradé ngrakṣa śawa patut śawa inucap kapormalin.
- (3) Tan dados mĕndĕm utawi ngĕsĕng śawa ritatkāla rahina larangan dĕśa minakadi:
  - ha. Sĕmut sadulur;
  - ua. Kala gotongan;
  - ca. Pĕrwani, Pūrṇama, Tilĕm;

- ra. Makirim bangké;
- ka. Ngutang tiga sapisan; ✓
- da. Ngalangkungin watang;
- ta. Bangbang apit sétra;
- sa. Rarahinan jagat;
- wa. Piodalan, Ida Bhaṭāra kantun ngadég/ñějēr;
- la. Buddha Wagé, Anggara Kliwon;
- ma. Rahina siosan manut drēṣṭa.

Pradé wéntěn krama séda rikalaning rahina larangan désa sané dados kapëndhēm/kabakar nanging pamargané wēngi saha tan dados kabintakin, yan manurug kadaṅdha 25 (sēlaé) kilogram bēras tur mawuwuh upacāra pañangaskāra.

#### Pawos 39

Yan wéntěn anak séda sajéroning bobot, sawania patut kapëndhēm tur bobotania katētēhin antuk batu. Yan manurug kadaṅdha 5 (limang) kilogram bēras saha mawēwēh upacāra pañangaskāra.

#### Pawos 40

(1) Indik atiwa-tiwa:

ha. Pradé wéntěn krama désa pacang ngawéntēnang atiwa-tiwa patut hatur supékṣa ring prajuru désa lintang Keliang Bañjar;

na. Bacakan ngabén/atiwa-tiwa kadi ring sor:

1. Śawa wédana: inggih punika upacara pangabénan maḥawa;
2. Asti wédana: inggih punika upacara pangabénan ngébét śawa; (sulang)

3. *Ñwasta*: inggih punika upacara pangabénan néntèn ngébét *śawa/nganggé ambèngan, candana, tirta pangéntas*;
  4. *Nglungah*: inggih punika upacara ngabénang *śawa raré, ring bangbang sané mayuśa tigang śasih agantos rauhing durung kėtus untu*;
  5. *Gantén*: inggih punika upacara pangabénan raré sané durung mayuśa 3 (tigang) śasih.
- (2) Tan dados ngunggahang śawa utawi śekah ka wadahé ritatkāla pangabénan sadurungé rauh ring pondok. Yan mamurug kēni daᅇdha 200 (satak) kilogram bėras tur mawėwėh upacara paᅇangaskara.
- (3) Bacakan galah atiwa-tiwa/ngabėn kadi ring sor:
- ha. Ngabėn nadak sėngkėr ipun sajėroning 7 (pitung) rahina;
  - na. Ngabėn nauka lintangan ring 7 (pitung) rahina;

#### Pawos 41

##### Panaᅇjung Batu

Yan wėntėn jadᅇna *tios* dėśa jaga mėndėm utawi ngėśėng ring sėtra Dėśa Adat Kastala piᅇih rihin patut masadok ring Prajuru Dėśa Adat Kastala lintang Kėliang Baᅇjar, tur patut kakėnain panaᅇjung batu mapangargan bėras 25 (limolas) kilogram bėras jangkėp upakara ring sėtra.

#### Pawos 42

Sukėrthaning sėtra sakadi ring sor puniki:

Risāmpun wusan pula-pali ring sėtra, sang madruwė kārya patut ngarisakin ring sėtra:

- ha. Tan wėnang ring sėtra makārya undung-undung; *tdk boleh membuat hiasan dikubur*
- na. Tan dados nginėpang bangbang/pamalungan;
- ca. Yan mamurug kadaᅇdha 200 (satak) kilogram bėras tur mawėwėh upacara paᅇangaskara, tur undang-undang muah bangbang inucap kaicalan olih krama baᅇjar.

**Pawos 43**

Indik jadma ulah pati makadi: tabrakan, añud, lan siosan kapratéka sakadi padëm ..  
biasa.

dulu : harus oli pondoke maperteka

**Pawos 44**

Pradé pamangku Désa, Dalëm, Pucak Sari, Sapuh, Subak lan Pañarikan séda patut:

ha. Kaabén manut wangśanya;

na. Upakāra kararëmin olih santanannya lan babañjaran ipun.

**Pawos 45**

Pangabénan pangëritan, kadi ring sor:

ha. Këluarga ngawéntënan pangabénan pangëritan sarëng pasikian, dadia,  
wargi, lan bañjar;

na. Kalanturang antuk mungghah don bingih (ñëkah);

ca. Kadadosang ñambung antuk natak tiis;

ra. Galah pangëritan kamargiang ñabran 5 (limang) warśa sadurung Pañca Bali

Krama.

**Palét 7**

**Indik Manuša yajna**

**Pawos 46**

- (1) Manuša yajña inggih punika upacara-upacara dharmaning manuša ngawit saking patěmoning kama bang lawan kama pětak, sajěroning garba ngantos kalayusěkaran riwėkas.
- (2) Sang pacang mapodgala madwijati, sajaba nunas panugrahan ring sang amawarāt patut supėkša ring prajuru dėsā.
- (3) Prajuru dėsā sarěng nitėnin, nurėkša mangda sulur miwah pamarginė jati-jati manut ring kėcaping agama.
- (4) Sasāmpun puput padwijatinė, prajuru dėsā patut digėlis ngėntosin pėsėngan sang madwijati ring sahanan likita antuk bhiśėka kawikon manut panugrahan nabėnė saha kasiarang ring paruman dėsā.

**Palét 8**

**Indik Bhuta Yajna**

**Pawos 47**

**Upacāra Bhuta Yajña:**

- (1) Bhuta Yajña, upacara lan upakāra yajña katur ring sang bhuta kala, kėtah kabawos macaru.
- (2) Pacaruan kawėntėnang manut kawigunan lantur kawėntėnang sang manggala yajña (ništa, madhya, utama).
- (3) Bhuta Yajña kadi ring sor:
  - ha. Bantėn saiban (Yajña sėsā);
  - na. Caru Ēkaśatha;
  - ca. Caru Pañca Sanak/siap brumbun;



- ra. Caru Pañca Sato;
- ka. Caru Pañca Kělud;
- da. Caru Rši Gana;
- ta. Caru Balik Sumpah;
- sa. Miwah sané siosan manut śāstra agama Hindu.

#### **Pawos 48**

- (1) Śasih kapitu ngaturang tawur/caru banténg (godél) sané durung matlusuk, kahatur ring goñca (kělod kangin) wawéngkon Désa Adat Kastala, kahēmpon olih krama Désa Adat Kastala.
- (2) Śasih Kasanga ngaturang tawur/caru banténg kahatur ring nériti (kělod kauh) wawéngkon Désa Adat Kastala kahēmpon olih krama Bañjar Adat Kastala.
- (3) Rikāla macaru godél sané durung matlusuk, Désa Adat Kastala wéng ngékēr (numbas) godél inucap manut pangarga. Sang madruwé godél sané kakékēr tan dados nlusuk utawi ngadol godél inucap.

### **PANCAMA SARGAH SUKĒRTHA TATA PAWONGAN**

#### **Palēt 1**

#### **Indik Pawiwāhan**

#### **Pawos 49**

- (1) Pawiwāhan inggih punika patēmoning puruṣa lawan pradhana malarapan panunggalan kayun suka cita kadulurin upasākṣi sakala siṣkāla.
- (2) Pamargin pawiwāhan:
  - ha. Mamadik utawi ngidih;

- na. Marangkat utawi ngarorod;
  - ca. Nyëntana utawi ñëburin.
- (3) Pidabdab sang marabian patut:
- ha. Manut këcaping agama Hindu;
  - na. Nganutin yusa sakirangnya risāmpun macihna mungguh daha truṇa manut Undang-undang Perkawinan No. 1/1974;
  - ca. Sangkaning suka cita;
  - ra. Pradé sang pacang karangkatang sios agama patut kamargiang upacāra sudhiwadhani sasāmpun wéntën ilikita saking Parisadha.
- (4) Sang mamurug këcaping ring ajëng, patut karauhang ring prajuru yan tan sidha lantur karauhang ring sang amawarāt mangda kabaosin tur kaicén pamuput.

#### **Pawos 50**

Larangan pawiwāhan:

- (1) Drati krama: ngaribinin wong arabi utawi ñolong smara mawastu kadapëtan.
- (2) Mitra ngalang: sakadi anak makurënan nanghing tan kawidhi widāna ngantos tigang sasih;
- (3) Gamia gamana, luiré :
  - ha. Ngarangkatang mémé tēmën;
  - na. Ngarangkatang tumin diñama saking puruṣa muang wadu;
  - ca. Ngarangkatang matua, matua diyañama;
  - ra. Ngarangkatang nini kapuruṣa lan nini wadu;
  - ka. Ngarangkatang ñama dicëdar;
  - da. Ngarangkatang cucu tēmën, cucu diyañama;
  - ta. Ngarangkatang mantu;
  - sa. Ngarangkatang ñama dicambra;
  - wa. Ngarangkatang pianak kalih kuwalon.

- (4) Bada warša: sanggama lanang lawan lanang utawi istri lawan istri.
- (5) Salah timpal: manuša masanggama sarēng sato.
- (6) Sang mapamargi sakadi sinalih tunggil ring ajēng patut karauhang ring šang amawarāt tur patut mrayascitta raga kalih ngawéntēnang upacāra pañangaskāra ring désa.
- (7) Yéning wéntēn kraṃa désa marabian ka dura désa, ring pamuput utawi masērahé mangda kasākšinin antuk Prajuru Désa Adat miwah Kēpala Dusun ring gēnahé mabawosan patut maśraṇa antuk canang pangrawos.

**Pawos 51**

- (1) Pradé wéntēn anak lanang mobotin anak istri sané sami-sami durung madruwé rabi saha pariangkēn, prajuru patut majangkēpang tur kaupacarayang sakadi patuté olih sang lanang, saha kadaṇdha 10 (daśa) kilogram bēras.
- (2) Pradé sinalih tunggil tan tinut kajangkēpang, kadaṇdha 100 (satus) kilogram bēras saha wicarannia katur ring sang amawarāt;
- (3) Yan sinalih tunggil kantun marabi wēnang wicarannia karauhang ring sang amawarāt olih wirangnia, yan tan madruwé wirang patut kamargiang olih désa, pradé mamurug wirangnia kadaṇdha 100 (satus) kilogram bēras.
- (4) Yan wéntēn anak istri bobot, néntēn kaupacarayang, pradé riwēkas boboté ěmbas, mangda anaké alit tan kasinanggēh anak babiñjat patut:
  - ha. Anak istri punika nglakṣaṇayang upacāra widhi widana. Pawidhi widānaan maśaraṇa antuk kēris, macihna ngadēgang lanang sané mobotin;
  - na. Anaké alit patut kaupacarain antuk upacara prayaścitta;
  - ca. Pamargin upacāra inucap kasākšinin antuk prajuru désa.
- (5) Yéning wéntēn anak istri bobot patut:

- ha. Sang kadalih mobotin tan mariangkĕn, wĕnang sang mobotin kalih sang kabobotin madĕwa sĕkŕi ring sinalih tunggil Tri Kahyangan Dĕsa saha kasĕkŕinin olih prajuru dĕsa;
- na. Pradĕ wĕntĕn anak siosan ring sang kadalih mariangkĕn sarĕng mobotin wĕnang sang mariangkĕn punika sarĕng madĕwa sĕkŕi. Sasĕmpunĕ dĕwa sĕkŕinĕ kamargiang bobotan anakĕ istri kawidhi widĕnain ring sanĕ mariangkĕn yan sĕmpun sami adung.
- (6) Pradĕ wĕntĕn anak istri mobot tan sangkaning marabian, sadurung bobotanĕ kaupakĕrain tan kawĕnangang ngraŕjing ring sahananing pura ring wawidangan Dĕsa Adat Kastala, yan kapurug kadaŕdha 10 (daŕa) kilogram bĕras tur ngalakŕaŕayang upacĕra prayascitta ring pura sanĕ karaŕjingin.
- (7) Pradĕ anak sitri mobot tan kĕni antuka sanĕ mobotin kadaŕdha 100 (satus) kilogram bĕras tur kaupakĕrain sakadi patutnĕ kasĕkŕinin olih Prajuru Dĕsa/Tri Upasĕkŕi.

#### **Pawos 52**

Pawiwĕhan kasinanggĕh sah dĕning sĕmpun kasahang olih tri upasĕkŕi:

- ha. Sasĕmpun ngalakŕaŕayang upacĕra widhi widĕna;
- na. Sasĕmpun polih akta pĕrkawinan;
- ca. Kasĕkŕinin antuk Prajuru Dĕsa Adat.

#### **Pawos 53**

Dudonan papadikan:

Yan parabian madasar antuk papadikan, dudonan ipun manut kadi ring sor puniki:

- (1) Saking wirang lanangĕ mamadik ring kulawarga istrinĕ.

- (2) Babaktan ritatkāla mamadik, canang pangrawos, rarangkadan ipun manut sang mamadik.
- (3) Ring dina pangambilé, sakala mapamit ring Guru Rupaka sang madruwé dahan ngëndĕk/masadok ring prajuru bañjar lan prajuru désa/dinas.
- (4) Upacāra widhi widāna makta jauman, kalugra sapisan ritatkāla rahina pangambilé, wĕnang talĕr manut padéwasan bĕcik.

#### Pawos 54

Marangkat utawi ngarorod kadi ring sor:

- ha. Marangkat malarapan antuk kayun suka citta lanang istri, watĕs pajatiné arahina ring awĕngi. Yan mamurug ring pariindik puniki kadaᅇdha 5 (limang) kilogram bĕras;
- na. Akĕh utusan pajatiné paling alit kakalih diri, patut mabhuᅇsa adat;
- ca. Mapajati patut ring raramané twi, yan tan wĕntĕn patut karauhang ring waris ka puruᅇa;
- ra. Pradĕ pamargin rangkatĕ kasumangsayain, sang madruwĕ wirangĕ dados ngamargiang panrĕgtĕg, nanghing mangdĕ kasarĕngin olih prajuru désa kalih sang amawarāt;
- ka. Ring sajĕroning ngamargiang panrĕgtĕg tan kawĕnangang makta salwiring sañjata;
- da. Yan pamargin rangkatĕ macihna tan sangkaning suka, wicarannia katurang ring sang amawarāt;
- ta. Pradĕ sampun cumpu, kalanturang antuk nutug pajati, ngaluku utawi mapradang lan nunas pamuput manut ilikita;
- sa. Upacāra widhi widāna salantur ipun manut padéwasan;
- wa. Kalanturang makta jauman kaśākᅇnin olih Prajuru Désa, Bañjar tur Kĕpala Dusun.

**Pawos 55**

Nyéntana utawi ñéburin manut kadi ring sor puniki:

- ha. Babawos mangda adung daha lawan truṅa;
- na. Saking kulawarga daha pinaka puruṣa lan kěluarga truṅa pinaka pradhana sami sāmpun adung;
- ca. Saking krama Désa Adat Kastala ngarēp makakalih maduwé hubungan kilit waris;
- ra. Pamuput pawiwāhan sami ring jěron sang daha pinaka puruṣa kasākṣinin antuk tri upasākṣi: prajuru désa, bañjar lan sang amawarat.
- ka. Makta jauman ring gėnah truṅa pinaka pradhana.

**Palět 2**

**Indik Nyapian**

**Pawos 56**

- (1) Parabian prasiddha wusan malarapan antuk palas utawi séda.
  - ha. Wusan marabian riantukan sinalih tunggil séda mapitėgės balu;
  - na. Palas marabian wéntėn sangkaning mawiwit wicara macilma tan tulus suka citting panunggalan idėp sang alaki rabi mapitėgės ñapian.
- (2) Tata cara palas marabian:
  - ha. Yan wéntėn krama désa mapikayun jagi palas marabian patut hatur supėkṣa ring prajuru désa. Olih prajuru désa wicaramma kabawosin tur kaicėn tatimbang mangda prasiddha adung malih;

na. Yan tatimbang prajuru désa tan katrima, wicarannia dados kalanturang ring sang amawarāt.

**Pawos 57**

Pradé riwékas sang palas marabian macihna adung malih patut ngalakṣanayang upacāra pawidhi widānaan.

**Pawos 58**

- (1) Papalihan balu kadi ring sor:
  - ha. Balu luh wit sēntana rajĕg;
  - na. Balu luh boya sēntana rajĕg.
- (2) Swadharmaning balu ajĕg: wit santana rajĕg
  - ha. Ngawiséṣa waris, pagunakaya, tan kawaṣa ngadol, ngadéang, makidihang, sajĕroning durung polih panutus paigum/saking sang patut ngawaris;
  - na. Yéning balu inucap mēras sēntana, kadadosang yan sadurung sinalih tunggil séda sām̄pun wéntĕn pidabdab tur kasĕtjuin antuk kulawarga kapuruṣa.
- (3) Swadharmaning balu luh boya sēntana rajĕg tan polih waris saking kulawarga puruṣa.

**Pawos 59**

- (1) Balu luh tan pagĕh luiré: matilar saking jĕro utawi padudonan tan pasadok sajĕroning 3 (tigang) śasih. Balu inucap nĕntĕn polih pah-pahan pagunakayaan.
- (2) Balu luh tan pagĕh luiré: matilar saking jĕro katundung antuk sēntanannia, utawi kulawargan puruṣa. Balu inucap patut polih pah-pahan pagunakayan sané lanang atĕgĕn, sané istri polih asuwun.

- (3) Pradé balu inucap pagēh nganutin swadharmania, katundung antuk sēntanannia, utawi kulawargan ka puruṣa, balu inucap patut polih pah-pahan pagunakayaan asuhun tēkēn atēgēn.

**Palēt 3**

**Indik Sēntana**

**Pawos 60**

- (1) Sēntana wéntēn kalih soroh:  
ha. Prati sēntana;  
na. Sēntana papērasan.
- (2) Yan wéntēn krama désa pacang mēras sēntana patut hatur supékṣa ring prajuru désa kalih pamuput polih lēkita saking amawarāt.

**Pawos 61**

**Indik Sēntana Papērasan**

- (1) Saluir pamargin papērasan kadi ring sor:  
ha. Sasāmpun polih padung saking wirang ngarēp pacang kapēras;  
na. Hatur supékṣa ring prajuru désa;  
ca. Ngamargiang upakāra papērasan tur kasākṣinin olih prajuru désa;  
ra. Polih pamikukuh saking sang amawarāt;  
ka. Prajuru Désa patut ñiarang ring Désa Pakraman.
- (2) Sang kapēras patut kadi ring sor:  
ha. Sang maagama Hindu sané madésa adat ngarēp tur madué hubungan kilit waris;  
na. Papērasan nēdunang saking sang mēras;



- ca. Mawiwit saking kulawarga kapuruṣa, yan tan wéntěn kangkat saking wadu, pradé talěr tan wéntěn dados saking warga Désa Adat Kastala sané madésa adat ngarěp, makakalih wéntěn hubungan kilit waris.

#### Palèt 4

#### Indik Warisan

#### Pawos 62

- (1) Warisan inggih punika tatamian artha brana saha ayah-ayah ngupadi sukërta sakala nişkåla saking kaluhurannia majěng ring turunannia.
- (2) Sang kasinanggěh warisan luiрэ:
  - ha. Druwé těngah marupa tanah, karang paumahan, paměrajan lan sapanunggilan ipun;
  - na. Gunakaya tatadtadan, jiwa dana, utang makadi ngutangang lan sapanunggilan ipun.
- (3) Wawu kéngin kabawos warisan pradé:
  - ha. Wéntěn sang mapiturun warisan (pusaka);
  - na. Wéntěn turunannia utawi ahli waris;
  - ca. Wéntěn artha brana miwah tatěgėnan.

#### Pawos 63

- (1) Sang sinanggěh waris luiрэ ipun:
  - ha. Prati sěntana puruṣa, utawi saking lanang;
  - na. Sěntana papěrasan;
  - ca. Sěntana ñěburin/ñěntana.
- (2) Pradé tan wéntěn waris kadi inucap ring ajěng sang sinanggěh waris luiрэ:
  - ha. Turunan puruṣa pěrnah ngunggahang makadi rarama, misan, mindon, muang salantur ipun;

na. Turunan kapuruṣa yan tan wéntĕn kapuruṣa dados sakéng <sup>wanita</sup> wadu sané pernah kasamping makadi, képonakan dimisan, képonakan dimindon, muang salantur ipun nĕdunang. Yan tan wéntĕn waris kapuruṣa pernah ngunggahang, kasamping kangkat saking wadu sané sarĕng madésa adat ngarĕp.

#### **Pawos 64**

Swadharmaning pawaris kadi ring sor:

- (1) Nĕrima, ngutsahayang tatamian.
- (2) Ngabĕnang ngantos nĕkahang.
- (3) Naur, nampi utang piutang sapuputa.

#### **Pawos 65**

Pahpahan waris kadi ring sor puniki:

- (1) Risāmpun kalakṣanayang pitra yajña lan hutang-hutang pawaris tuntas katahur.
- (2) Para waris polih pahan pada sangkaning pagunakayan.
- (3) Sinalih tunggil waris tan polih pahan pradé:
  - ha. Nilar kawitan lan sāṣana Āgama Hindu;
  - na. Alphaka guru rupaka;
  - ca. Sĕntana rajĕg kĕsah mawiwāha utawi prati sĕntana ñĕburin soang-sowang kabawos ninggal kadaton.
- (4) Pawaris kĕngin mapawĕwĕh gunakaya rikāla maurip pinaka jiwa dana tatadtadan/bĕkĕl makacihna pawĕwĕh tĕtĕp ring pianak sané kĕsah mawiwāha.

#### **Pawos 66**

Waris sané tan kĕngin kĕpah/kĕdum, manut kadi ring sor puniki:

- (1) Mĕrajan lan tanah laba pura.
- (2) Barang pustaka.

**Pawos 67**

Jatma tan pawaris (putung) wéntěn bacakan ipun kadi ring sor:

- ha. Pradé jatma inucap padēm, désa wěnanng ngupakāra ngabénang ngalantur atma wédana sapuputnya;
- na. Artha brana sané kadruwéang dados druwén désa.

**SAD SARGAH**

**WICARA LAN PAMIDAᅇDHA**

**Palět 1**

**Indik Wicara**

**Pawos 68**

- (1) Sané wěnanng mawosin wicara ring Désa Adat Kastala inggih punika prajuru désa/nayaka Désa Adat/Saba Désa.
- (2) Pradé sang mawicara tan wéntěn cumpu ring tatimbang Prajuru Désa, kéngin numasang wicara inucap ring sang amawarāt.
- (3) Sahanan pamutus tatěpasan wicara tan marěn mangda manut ring sadaging awig-awig, pasuara lan pararēm.
- (4) Sahanan pamutus wicara tan marěn mangda sang mawicara prasida adung mañungkěmin tur nganutin tatimbang prajuru désa lan pararēm.

**Pawos 69**

- (1) Désa Adat wěnanng atiwak pamidaᅇdha ring krama désa sané macihna sisip.
- (2) Tatiwak pamidaᅇdha sané kamargiang olih Prajuru Désa madudonan manut kasisipané.
- (3) Bacakan pamidanda sané kamargiang ring Désa Adat Kastala minakadi:

ha. Daṅdha artha;

na. Daṅdha ayah panukun sisip;

ca. Panikël urunan muah panikël;

ra. Daṅdha upacāra muah pañangaskāra;

ka. Daṅdha kahēladang saking Désa Adat muah katunasang ring sang amawarat.

(4) Pamidaṅdha sané marupa artha braṇa dados druwén désa.

### **Pawos 70**

Daṅdha kamargiang kadi ring sor puniki:

(1) Lintang ring panumaya.

(2) Talěr tan kaprasiddha nawur, patut katibakang nikël.

(3) Sasāmpun katibakang nikël talěr tan prasidha nahur patut karampag druwén ipun kadi ring sor:

ha. Rarampagan olih prajuru désa;

na. Sané dados karampag, ubuh-ubuhan;

ca. Yan kantun kirang, prabot pumahan;

ra. Yén kantun kirang, dados papayon, ěntik-ěntikan ring tĕgalan ipun;

ka. Yén panikël punika néntĕn katahur, wawangunan ipun prasidha karampag/kalélang olih Prajuru Désa;

da. Yén pangargan wawangunan ipun tĕgĕp anggĕn nahur panikël prasiddha krama inucap kasarĕngang makrama;

ta. Yan kirang ring pangargan wawangunan inucap patut katĕgĕpang nahur ritatkala ngalélang wawangunan punika, yan tan prasidha nĕgĕpang krama inucap kararianang makrama désa tigang warṣa.

sa. Yan pangargan wawangunan inucap marari patut kawaliang ring sang kadaṅdha.

**SAPTAMA SARGAH  
NGUWAH-NGUWUHIN AWIG-AWIG**

**Palét 1**

**Indik Dasar Nguwah-nguwuhin**

**Pawos 71**

- (1) Nguwah-nguwuhin awig-awig Désa Adat Kastala kamargiang antuk pararēm krama désa.
- (2) Pararēm inucap mangda kadasarin antuk sagilik-saguluk krama Désa Adat Kastala.
- (3) Pamutus babawos mangda kadasarin antuk pararēm désa maduluran gilik-saguluk. Yan tan prasidha, suarané makéhan kasinanggèh pamutus.

**Pawos 72**

Paruman indik nguwah-nguwuhin awig-awig ring ajěng kéngin kamédalang antuk prajuru Désa Adat sané kasinanggèh Saba Désa.

**ASTHAMA SARGAH  
SAMAPTA**

**Pawos 73**

- (1) Awig-awig puniki kawâștanin : "Awig-Awig Désa Adat Kastala".
- (2) Awig-awig puniki kamargiang ngawit kararėmin.

**Pawos 74**

- (1) Saluiring sané wéntèn sadurungnia patut kaanutang ring sadaging awig-awig puniki;
- (2) Sakaluiring sané durung kabawos ring sajëroning awig-awig puniki patut kalakṣanayang manut tata cara sané sãmpun këtah mamargi kadulurin antuk pararëm.

**Pawos 75**

- (1) Awig-awig puniki kasungkëmin ring paruman duk rahina Wrëhaspati Pon Śasih Karo, Isaka 1923 Tanggal Masëhi 30 Agustus 2001 ring Pura Pusëh Kastala.
- (2) Awig-awig puniki kalingga tanganin antuk Kliang Désa, kasarëngin Këliang-këliang bañjar saha kasākṣinin antuk këpala Dusun sawawidangan Désa miwah Përbëkël, saha kakukubang antuk Bupati Karangasem.
- (3) Lwir sang ngalingga tanganin:

ha. Kapërtama Prajuru/Pangulun Désa:

1. Këliang Désa Pakraman Kastala,

( 1 Nyoman Samin )

2. Këliang Bañjar,

( 1 Nengah Kutang )

3. Këliang Bañjar,

( 1 Nengah Rata )

4. Kēliang Bañjar

( I Wayan Wija )

na. Kaping kalih Prajuru/Désa Dinas maka sākṣi:

1. Kēpala Bañjar Dinas Kastala

( I Made Puja )

2. Pērbēkēl Désa Bēbandēm

( I Wayan Gede Astawa, SE )

ca. Bupati Karangasēm maka murdhaning pamikukuh:

Mengetahui dan telah dicatatkan:

Tanggal :

Reg. Nomor :

**Bupati Karangasēm**

.....

**PARA PANGRIPTA AWIG- DÉSA ADAT KASTALA**

**Penasehat**

I Made Puja

**Penanggung Jawab**

Kelihan Désa

**Ketua**

I  
I Ketut Sukania

II  
I Wayan Riatha

III  
I Nyoman Samin

**Sekretaris**

I  
I Wayan Koti

II  
I Nyn Ganti

III  
I Pt Berata I Nym Rianti

**Bendahara**

I Made Sukawi

I Wyn Sukarta

I Ngh Rata

I Wyn Kuta

**Seksi-Seksi**

**I. Parhyangan**

Mk. Subur Mk. Segara Mk. Karda Mk. Merta Km. Deresta Wy Wija

**II. Pawongan**

I Wyn Riman I Nym Kota I Wyn Putra I Nym Pugěr I Km Mudra W. Rėntio

**III. Palėmahan**

Drs. I Kt Suanda I Wy. Sumiada I Wy. Sumardika I Wy. Ukir  
I Ngh Kutang I Nym Dami

**IV. Pembantu Umum**

Ni Wayan Karyati Ni Wayan Sulastri